

ասող ու անող եմ: (Նայելով վայր թափուած ճանճերին) Հը, քանի՞սն են: Մեկ, երկու, երեք, չորս, հինգ: (Ծուլանալով) Դե, էն է հազար ասա, պրծի: (Գոռում է) Զաջ Նազարն եմ, մին զարկեմ, կջարդեմ հազար:

ՄԻ ՑՆԴԱԾ ՏԻՐԱՑՈՒ.– (Նիհար, գիսախոիւ, մագաղաթէ գիրքը կռան տակին ներս է ընկնում:)

ՆԱԶԱՐ.– Ո՞վ է՝ (Վեր է թռչում) Հա՛, տիրացուն...

ՏԻՐԱՑՈՒ.– (Զոյգ ոտքով տեղում տրտինգ տալով) Թալեմ բռնեմ, բռնեմ թալեմ: (Նկատելով Նազարին:)

Բարեռոջոյն, եղբայր Նազար,

Այդ ի՞նչ այդպէս ջարդես հազար:

ՆԱԶԱՐ.– Ի՛ի՛ի՛... աշխարհքը, ալարում եմ, թէ վեր կեսամ ջարդեմ:

ՏԻՐԱՑՈՒ.– Ժամանակի՛կ նշան է:

ՆԱԶԱՐ.– Բայց մտքումս դրել եմ, պիտի աշխարհքը ջնջեմ, ճանճերից եմ սկսել:

ՏԻՐԱՑՈՒ.– Ժամանակի նշան է,

ՆԱԶԱՐ.– Ահա, տես, մեկ զարկեցի, ջարդեցի հազար:

ՏԻՐԱՑՈՒ.– Ժամանակի՛ նշան է: (Դիտելով ճանճերին) Ո՞վ Նազարե, այս ճանճերը ճանճեր չեն, այլ դիւցազններ: (Ոգէտրուած եւ հետզհետէ արագ ու մեքենայական) Դիւցազն մի ահաւոր տեսա երագիս, աջին սուր, ձախին դրօշ: Յայտնուեցաւ իբրեւ հուր երկնային եւ ջարդեց հազար դիւցազն: Ողորմութեամբ աստուծոյ, դու ես այդ դիւցազնը: Ո՞վ կատարումս երագիս: Դու կտիրես աշխարհին, Նազարիաս, եւ թագաւորք կդռնաս քեզկից: (Բաց է անում գիրքը եւ բակի մէջ շրջան գործելով՝ սկսում է նայել գրքին ու փնթփնթալ) Ահա՛ եկի, գտա, տեսի եւ ստուգեցի Տիրոջն օգնականութեամբ: Օրն է մեծ, երագն ի բարին: Որ ե՛ւ ստուգեմ, ե՛ւ գուշակեմ, եւ մեկնեմ: Ահաւասիկ (Համբում է ճանճերը), մեկ, երկու, երեք, չորս, հինգ, այսինքն՝ հազար: (Գրքին նայելով) Նշանն է ճշգրիտ: (Մօտենալով պատին փռած մի ճերմակ փալասի) Ահաւասիկ եւ գրեմ, դրոշմեմ ի լուր աշխարհի: (Մատը կոխելով իր թանաքամանի մէջ գրում է փալասի վրայ: Կարդում է)

Անյաղթ Նազար, քաջն Նազար,

Մին կզարկի, ջարդի հազար:

(Փալասը ցոյց տալով օղի մէջ) Նշան աստուածային, բան խորախոր-
հուրդ, դրօշ երկնապարգեւ, գիր զարհուրելի: Որով եւ յոյս աստուած՝ կտի-
րես աշխարհին) (Փալասը կապում է Նազարի նիզակին եւ մեկնում Նա-